

MENDI IBILBIDEAK

Letariya, Aranoko kalbayua

Arano



Ibilbidean zehar ukituko ditugun puntuak honako hauek izango dira:

- Arano kalbayua
- Juan Donosti • 4.gurutzea: Garagartza edo Iltziarriko kalbayua
- 1.gurutzea: Aranomendi (Juan Donosti gaina) • 5.gurutzea: Intzingo lepua edo Epiñar-sasiko kalbayua
- Oraune
- 2.gurutzea: Ontzorrozko gaina edo Arrinabarretako kalbayua
- Errekalko
- Arteskintako zabala
- 3.gurutzea: Unamuno edo Beltsoko itxolako

1.1 Juan Donostiko ermita

Ibilbidea, herriko elizaren atzekaldetik Juan Donostiraino eramango gaituen malkarra igoaz hasiko dugu. Ermitari begira, ezkerrean dagoen ataka pasa eta gailurrera doan bide xendatik lortuko dugu Aranomendira iristea, bertan lehenengo gurutzea topatuko dugularik. Tontor hau, Juan Donosti gaña bezela ere ezagutzen dugu.

1.2 Errekalko eta Unamuno alderuntz

Jarrai dezagun bidea San Roke ermitaren gaikaldean gelditzen den tontorretik barrena Orauneraino jaitsiaz. Bertan, besteak beste, Añone eta Goizuetara doazen pistei jaramonik egin gabe berriro ere tontorrera igoko gara hemendik aurrera bidean topatu ditzakegun

mairubaratzak bistatik galdu gabe. Nahiz eta gaur egun desagertuta egon, laister gara kalbarioaren bigarren gurutzea zegoen lekuan, Ontzorrozko gainean.

Metro batzuk aurrerago topatuko ditugu Harriurdigain, Arrinabarreta eta Matitxolako gaina. Bertako arroketako baten gainean egoten zen gaur desagertuta dagoen jaiotza-buzoia.

Tontorretik jarraituz, Errekalkoraino ailegatuko gara bata bestearen atzetik dauden mairubaratzen inguruan kokatuz. Hau da mairu-baratza gehien topatuko dugun puntu garrantzitsuena. Eskuinetara daukagun ataka pasa eta pistaz-pista joango gara Arteskintako zabaleraino; bota diezaiozun begirada bat zeharkatuko dugun pagadi zabal eta zoragarri honi. Hemendik metro batzuetara dagoen iturriaren ondoan dagoen pagadi baten azpitik paseaz joko dugu goruntz. Nahiz eta bidea oso garbia ez egon, errez ikusi daiteke garai bateko ibilbidearen arrastoa.

1.3 Unamuno

Goruntz joko dugu muga egiten duen pinudira iritsi arte, hesaro bazterretik jarraituko dugu aurrera eta berehala gara 3. gurutzea zegoen tokian, nahiz eta hau ere desagertuta egon.

Egin dugu ibilbidearen erdia! Bertan atseden hartuaz begirada bat botako diegu Aranoko baserrietako batzuei, baita Aiako Harria eta Larrun mendiei ere. Unamunoraino ailegatuko garelarik, Aranok bertan egiten du Elduaien eta Hernanirekin muga.

1.4 Azken txanpan

Ibilbidearen zirkulua isten hasiko gara. Jaitsiera

Zaila 

Distantzia: 13,1 km

Desnibela: 836m / -842m

MENDI IBILBIDEAK

Letariya, Aranoko kalbayua

Arano



pizkor batez, berehala gara Soroluxen. Garai batean, bertan egiten omen zuten hamaiketako, bakoitzak bere bokadiloa eta zatoa eramaten zituelarik. Aprobetxa dezagun, beraz, atsedena di bat egiteko. Egonaldiaren ondoren aurrera abiatuko gara berriro ere, muga egiten duen itxituraren ondotik berehala Samiel sorora (Zamilara) iristeko. Handik minutu gutxira, berriz, Garagartza (ezaguna Artontor altua, Kalbario-mendia eta Andresen bordako gaina izenekin ere) joko dugu. Metro batzuk aurrera, berehala gaude ezkerretara daukagun itxituraren kontra dagoen laugarren gurutzean; Iltziarriko kalbayuan.

1.4 Intzingo lepua

Laugarren gurutzea utzi eta Aranoko herria bistan dugula jaitsiko gara aldapan behera. Hau da lanik gehien emango digun zatia, laharrak hartuta dagoen pusketa txiki bat baitaukagu aurrez-aurre. Hesaroren ondotik joango gara aurrera, kurba-kurban dagoen 5. eta azken gurutzea topatu arte.

Ibilbidetik atera arren, ikusi nahi duenarentzat, 20bat minutu ingurura topatu dezake Euntzingo harri ikusgarria.

1.5 Herrira bueltan

Kalbarioaren zirkulua guztiz itxiaz emango diogu amaiera Letariyari. Urumea erreka ezkerretara utzi eta Epiñarko baserriaren ondotik iritsiko gara Deskargaraño. Aldapan behera jaitsiaz ukituko dugu ibilbidearen punturik bajuena: Latseko zubia, erdi aroko zubi zaharra.

Abaño alderuntz doan Latseko erreka putzu-zuloetako bati deitzen diogu Lamiñosin. Elezaharrak dioenez, bertan egon omen litezke hain ezagunak ditugun izaki mitologikoak. Esaera zahar hau gogoan hartuz jarraituko dugu aurrera bidea: "Direnik ez da sinistu behar, baina

ez direla ere ez da esan behar". Zubia pasa eta gora abiatuko gara Larratxuri alderuntz. Bertako baserrira iritsi aurretik ezkerretara dagoen atakatik barrena joko dugu Zildegira eramango gaituen bidezidorretik gora. Puntu hontara iritsi eta eskuinetara joko dugu Atakaundi deitzen diogun bidegurutzerraino. Hemen herriko sarrerara eramango gaituen eta ezkerretara gelditzen den lehenengo pista hartuko dugu Letariyari bukaera emanaz herriko plazan.

Zaila 

Distantzia: 13,1 km

Desnibela: 836m / -842m